

**Ataatsimiinnerup ammarneqarnera**  
(Inatsisartunut sivisunerpaamik ilaasortaasimasoq)

Inatsisartunut qinigaarlaani sivisunerpaamik ilaasortaasimasutut Inatsisartunut ilaasortat qinigaqqittut nutaamillu qinigaasut 2018-imi inissitsiterluni ataatsimiinnissamut uummammit tikilluaqqakka.

Inatsisartut Naalackersuisullu pillugit Inatsisartut inatsisaanni § 1 naapertorlugu Inatsisartunut ilaasortaq sivisunerpaamik ilaasortaasimasoq, arlallillu sivisoqatigiimmik ilaasortaasimappata taakkunannga angajulleq, pisussaatitaavoq Inatsisartut Inissitsiterlutik Ataatsimiinnissaannut Inatsisartut ataatsimiigiaqqussallugit.

Taamatut atuunera atorlugu Inatsisartut ataatsimiigiaqqusimavakka. Ulloq 24. april 2018 qinersinerup ingerlanneqarnerani qinersinerup inernerata qinersinermut ataatsimiititaliamit naatsorsorneqarnera tunngavigalugu ataatsimiigiaqqusineq pivoq.

Takusinnaavara ilaasortat tamarmik matumani inissitsiterluni ataatsimiinnissap aallartinnissaanut tikissimasut, taamaalillunilu Inatsisartut qinigaarlaat tamakkiisumik aalajangiisinnaassuseqartut.

Ulloq 24. april ukioq manna qinersinermi Inatsisartunut siusinnerusukkut ilaasortaasimasut ilaat ilaasortanit nutaanit aqqanilinnit taarserneqarput. Taamaammat Inatsisartunut ilaasortat nutaat immikkut tikilluaqqumavakka. Aamma ilisarisimariikkat tikilluaqqungaarpakka. Tamassinnut atuuttumik oqaatigissavara qinigaaffimmi aallartittumi pitsaasumik anguniagaqarfiusumillu suleqatigiinnissatsinnut qilanaarama.

Ilisimatitsissutigineqassaaq Inatsisartut sinnerlugit Ataqqinartorsuaq Dronning Margrethe Aappaat, qallunaat naalackersuisui, Folketingi, Islandimi Altingi, Savalimmiuni Lagtingi Nunavummilu inatsisartut inuulluaqqussummik nassikkakkit, Inatsisartut ukiuni tulluuttuni sulinissaanni pitsaasumik inerititaqarfiusumillu suleqatigiinnissaq kissaatigalugu.

Taamaalillunga Inatsisartut Inissitsiterlutik Ataatsimiinnerat 2018 ammarneqartutut nalunaarutigaa.